

# U Valdu di a Lama

*Racoltu da Micheli Paoli in 1976 in Zicavu ind'è u ziu Carulu Scaglia*

*L'auteur de ce chant composé au début du siècle, a choisit le cadre de travaux d'exploitation du bois pour réaliser une « affectueuse » satire des habitants de son village.*

Da lu valdu di a lama  
Scrivar vogliu sta nuvella  
E mandalla par vallonu  
Ad'Anghjulina a mio suredda  
Ch'ella stighi alegra è cuntenti  
Ch'ùn li mancarà nienti.

Lu me poghju di Perettu  
Lu vogliu tuttu impiigà  
O lu me prima sughjettu  
Lu me ziu Antonu Scia  
Lu so vinu mani è sera  
Mai li vurria mancà.

Trà mè è Antonu Tabura  
Ci era statu un sott'intesu  
A la dispensa di Bura  
Verificatori di pesu  
Legna scorsa è carbonu  
A mità incù lu patronu.

Poi ci hè Dariu Pulindinu  
Chi hè un omu di grand'valori  
Ad'eddu ùn li piaci più vinu  
Un bii più che licori  
La so sola midicina  
Ni saria Filippina.

Poi ci hè Paulu Castillinu

Chi hè un omu di a me famidda  
Hè asatu la muntura  
E li tinarà la bridda  
A lu cavaddu filatu  
Quand'è saraghju spusatu.

O lu to nomu Pazzali  
Tona in tuttu in lu vangonu  
Agha, Bura è Chisà  
Faceni un forti risonu  
Sona cetera è viulinu  
Par ludar à Pulindinu.

Poi ci hè Ghjacumu Scia  
Chi hè struitu è di bon senza  
U faremu sicritariu  
D'altri cosi lu dispensu  
E sarà pagatu a tara  
A la bianca di Chisà.

A Lillu a me sputagna  
Li segnu lu passaportu  
Di cullar à la muntagna  
Ch'eddu ùn si lasci fà tortu  
Alta pulizza è baronu  
Da lu Tortu à lu Cuscionu.

Paoli di Soriu  
Canta u populu corsu